

ET MAEKEN VAN DE VLINDERMOBILE

Bi'j et maeken van de mobile kuj' et beste eerst de onderdielen mooi kleuren of varven. Aj' dat daon hebben, moej' alle onderdielen, zo netties aj' kunnen, uutprikken of knippen. Van de kleinste vlinders vouw ie de vleugels een betien omhogens. Et middelste diel, dat is et liefien van de vlinder, plak ie op et midden van elk van de grote vlinders. De vier vlinders bin now klaor. De boverkaante van de mobile, kuj' ok kleuren of varven en netties uutprikken of knippen. Prik dan een gattien in elke zwatte stippel, viere in de raand van et bovenste diel van de mobile, iene in de midden daorvan en deur elke vlinder iene. Om de vlinders an de mobile te hangen, hej' vier draoties neudig, twie wat langere en twie kottere. Deur elke vlinder komt ien van die draoties. An de onderkaante van de vlinder maek ie een kneupien in et draotien, zodat de vlinder d'r niet meer ofgleden kan. Dan doej' de ere aenties van de draoties deur de vier gatties an de raand van de mobiel, van onderen naor boven toe en maeken daor ok weer een kneupien in. Tot slot hej' nog een draotien neudig om de mobile mit op te hangen. Doe dat draotien deur et gattien in de midden van de mobile en maek an de onderkaant weer een kneupien. De mobile is now hielemaole klaor en ie kun him mooi ophangen!

